

ORDONNANCES  
DU ROY, POUR LE REI-  
GLEMENT ET POLI-  
ce des gens de guerre de sa  
Majeste.

BIBLIOTECA NAZ.  
ROMA  
VITTORIO EMANUELE.



A TOURS,  
Chez Iamet Mettayer Impri-  
meur ordinaire du Roy.  
M. D. XCI.

9

15

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.



RECEIVED  
JAN 10 1891  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
HARVARD UNIVERSITY  
CAMBRIDGE, MASS.

U  
C  
O  
  
n  
n  
to  
r  
li  
C  
re  
&



ORDONNANCES DU  
Roy, pour le reiglement & police  
des gens de guerre de sa Maiesté

**H**ENRY PAR LA GRACE DE DIEV ROY DE FRANCE ET DE NAVARRE. A noz amez & feaulx les Gouverneurs de nos Prouinces, nos Lieutenans generaux en icelles, Capitaines & Gouverneurs particuliers de noz Villes & Chasteaux, Cōducteurs de noz gens de guerre, & à noz Baillifs & Seneschaux, & autres noz iusticiers, Officiers,

A ij

& subiets, Salut. Sur les plaintes & doleances que iournellemēt nous receuons de diuers endroits de ce Royaume, des excez & violences qui sont faites à nos pauvres subiets du plat pays par nos gens de guerre & leurs mauuais deportemens, & pour le desir singulier que nous auons de les en pouuoir preseruer & garantir, Nous auōs, avec l'aduis des Princes, Officiers de la Couronne, & autres grands personnages de nostre Conseil qui sont pres de nous, fait & resolu les Ordonnances cy attachees sous le contreseel de nostre Chancelerie, que nostre intention est de faire soigneusement obseruer & entretenir. Et parce que l'execution en deppend entierement

de vous, N o v s voulons, vous mandons, & à chacun de vous en ce qui luy peut toucher, expressement enioignons, que lesdites Ordonnances vous ayez à si exactemēt executer, que nosdits subiets en reçoient le soulagement que nous leur en desirōs, & nous le contentement & descharge de nostre conscience, de les auoir deliurez de telles oppressions qui leur sont iniustement faites, & que le soin & affection que vous y apporterez de vostre part, vous puisse aussi iustifier de n'estre aucunement coupables de tels crimes, qui pour la tolerance se sont rendus si communs, & qu'estans neātmoins si desagreables à Dieu, qu'il faut croire que c'est ce qui

attire le plus son ire sur cest Estat,  
& qu'il ne l'en destournera ia-  
mais, que ceux qui ont les forces  
& gouvememens ne prennent en  
protection les pauvres habitans  
dudit plat pays, qui doiuent par  
raison estre les plus innocens, &  
ausquels l'on a le plus d'obligatió,  
pour estre apres Dieu les pre-  
miers ouuriers & ministres des  
fruiets que la terre produit, pour  
l'alimēt & nourriture des autres:  
& partant n'y faites faute, sur pei-  
ne de tous en respondre en voz  
propres & priuez noms. Enioi-  
gnons à nosdits Baillifs & Senes-  
chaux de faire publier & enregi-  
strer lesdites Ordonnances aux  
sieges de nosdits Baillages & Se-  
neschaussées, & en outre icelles

proclamer en toutes les parroisses de l'estendue de leurs Iurisdiction. Voulans à cest effect qu'au vidimus d'icelles, & de ces presentes deuëment collationnees, foy soit adioustee comme au present original. Car tel est nostre plaisir. Donné au Camp deuant Chartres, le huiëtiefme iour de Mars, l'an de grace mil cinq cens quatre vingts vnze: & de nostre regne le deuxiefme. Signé, HENRY. Et au dessoubs, Par le Roy, POTIER Et scellé de cire iaune du grand scel de sa Maiesté sur simple queue.



LE Roy, voulant pouruoir  
 aux plaintes qui luy sont  
 ordinairement faites des  
 oppressions infinies que reçoieût  
 les pauvres subiets du plat pays,  
 outre les charges qu'ils portent  
 des leuees des Tailles, & autres  
 impositions qui se font par les  
 commissions de sa Maiesté, au  
 moyen des entreprises que les gēs  
 de guerre font de leur autorité,  
 de leur faire contribuer deniers,  
 viures, & munitions, encores que  
 la pluspart d'eux n'ayent charge  
 ny commission de sa Maiesté de  
 faire aucune leuee de gēs de guer-  
 re, de sorte que demeurans leldits  
 pauvres subiets ainsi exposez à la  
 discretion de qui les veut vexer &  
 opprimer, ils seront contrainsts  
 abandon-



abandonner leurs maisons, & par  
mesme moyē la culture de la ter-  
re, dont aduiendroit vne famine  
vniuerselle, & la malediction de  
Dieu sur tout cest Estat, si telle  
iniustice estoit plus longuement  
toleree. Enioint, commande, &  
ordonne aux Gouverneurs de ses  
Prouinces, & ses Lieutenāns gene-  
raux en icelles, de faire obseruer  
exactement le contenu aux arti-  
cles subsequents, protestant sadi-  
te Maiesté qu'elle s'en prendra à  
eux si elle reçoit plainte qu'ils n'y  
ayēt fait tout leur deuoir, ne pou-  
uant rien executer & entrepren-  
dre qui soit plus à la descharge de  
leur conscience, de leur hōneur,  
& de ce qu'ils doiuent à sadiſte  
Maiesté & au public.

Suyuant les defences precedentes, que nul n'ait à faire ou assembler compagnie ou troupe de gens de cheual ou de pied sans commission de sa Maiesté, est enjoinct ausdits Gouuerneurs & Lieutenans generaux desdictes Prouinces de courre sus, & tailler en piéces tous ceux qui en vseroient autrement: & pouuant apprehender les Chefs & ceux qui conduisent lesdites troupes, les faire pendre & estrangler, sans autre forme ou figure de procez.

Si aucuns desdits gēs de guerres'emparent d'aucun lieu, soit Ville, bourg, village, Eglise, Chasteau, ou maison priuee, pour y tenir force ou garnison, si ce n'est par commission de sa Maiesté,

dudit Gouverneur de la Prouince, ou du Lieutenant general en son absence, enioint pareillemēt ausdits Gouverneurs & Lieutenans generaux de les aller promptement assieger & forcer, & ce qui sera pris en vie, le faire pendre & estrangler sans autre forme de procez.

Qu'il soit publié par toutes les parroisses, que sadite Maiesté n'entend que lesdits subiets puissent estre contraincts à fournir aucunes contributions de deniers, viures, foins, pailles, & autres munitions, s'il n'y a expresse commission de sadite Maiesté par ses lettres patentes signees de luy & de l'un de ses Secretaires d'Estat, adressees aux Tresoriers generaux

de France, & aux Esleuz, pour en faire le departemēt. Et s'ils estoient forcez & contrains d'en fournir par les particulieres garnisons, leur ordonne ladite Maieſté d'en faire plainte au Lieutenant general en la Prouince, auquel elle enioinēt de se transporter incontinent au lieu où sera ladite garnison qui fera leuer ladite contribution, ou y enuoyer force suffisante pour le saisir du Chef qui en aura signé l'ordonnance, auquel elle veut que son procez luy soit fait & parfait, luyuant les Ordonnances sur ce faites. Enioinēt sur les mesmes peines, à ceux des villages qui auront esté contrains au fournissement desdites contributions, de ne faillir d'en faire leur

plainte ausdits Gouverneurs & Lieutenans généraux, par requeste qui leur soit par eux apportée, à fin que ladite Maiesté sache à qui elle se deura prendre s'il n'y aura esté pourueu.

Si aucun desdits gens de guerre, contre les Ordonnances precedentes, sous pretexte d'aller faire payer les Tailles qui leur ont esté ordonnees pour leur solde & entretenement, exigent des subiets de ladite Maiesté aucune autre chose que ce qui sera contenu aux quittances desdites Tailles, dont ils seront porteurs, si ce n'est ce qui sera pour leur viure pour le temps qu'ils sejourneront aux villages où ils auront esté enuoyez à l'effect du re-

couurement desdites Tailles, ordonne la Maiesté qu'il soit pendu & estranglé.

Si pareillement il se trouue que aucun d'eux soit de ceux des compagnies qui se leuent sans ses commissions susdites, ou de ceux qui sont des garnisons ordōnees par la Maiesté, qui ait pris ausdits payfans aucun cheual, iument, bœuf ou vache seruant au labourage, ordonne aussi qu'il soit pendu & estranglé.

Declare aussi la Maiesté, qu'elle ne veut & n'entend qu'aucuns desdits payfans puissent estre declarez prisonniers de guerre, quoy qu'ils ayent payé les Tailles & contributions aux villes rebelles, si ce n'est qu'ils fussent pris

portans les armes contre le serui-  
ce de sa Maiesté, qu'ils se trouua-  
sent dans les lieux detenuz par  
lesdits rebelles, & qui auront esté  
assiegez ou pris de force, ou por-  
tans lettres & messages à ceux  
desdites Villes rebelles, ou bien y  
allans porter viures, & estans ren-  
contrez à deux lieuës desdites vil-  
les, & sur le chemin d'icelles, &  
auec bonne & suffisante preuue.  
Defend sadite Maiesté, à peine de  
la vie, de les prendre & retenir au-  
trement, les contraindre de payer  
aucune rançon, ny les empescher  
de porter aux marchez des Villes,  
bourgs, & villages leur bestiail &  
autres denrees, pour les y vendre  
ou y en acheter. Comme pareille-  
ment est defendu, sous les pei-

nes que dessus, de prendre prisonniers les enfans au dessous de quinze ans, ny les filles & femmes à quelque cause & occasion que ce soit.

Defend aussi, à peine de la vie, de prendre prisonniers aucuns Prestres, Religieux, & autres personnes Ecclesiastiques, & les faire payer rançon, s'ils ne sont pris portans les armes contre le service de sa Maiesté & l'ordre de leur profession, s'ils ne sont trouvez sortans desdictes Villes rebelles sans passe-port de sa Maiesté, ou des Gouverneurs & Lieutenans generaux, ou portans lettres & messages aux ennemis, comme dit est.

Pareillement est defendu, sur  
les



les mesmes peines de la vie, de ne piller les Eglises, Monasteres, & autres lieux dediez au seruice diuin, en iceux loger cheuaux & autre bestiail, ny commettre aucun acte contre la reuerence qui y est deuë.

Que les iugemens des rançons de ceux qui auront esté arrestez prisonniers ne pourront estre faits que par sa Maiesté, les Mareschaux de Frâce, Gouverneurs & Lieutenans generaux des Provinces, les Mareschaux de Camp de ses Armees, estans defendus & interdits à tous autres.

Est aussi prohibé sur les mesmes peines à toutes personnes,

Eglises pour s'en seruir à faire la guerre, lesdits lieux deuant estre reseruez pour faire prieres & oraisons, & exceptez de toute violence & exercice de guerre.


Defend aussi sadite Maiesté à tous Gouverneurs, Capitaines de ses Villes, places & Chasteaux, de ne conuertir en deniers le trauail que ceux des villages doiuent aux fortifications desdites places, dõt elle veut que le departement se face par les Esleuz ou les Iuges des lieux, pour y venir trauailler chacune parroisse vn iour le mois pour le plus. Et neantmoins que lesdits Gouverneurs ne les y pourront contraindre sans permission de sadite Maiesté ou de ses Gouverneurs, pour le temps qui sera

porté par la commission qui leur en sera baillée.

Et parce que sadite Maiesté entend se seruir des biens de ceux de la ligue pour ses affaires, n'entend que aucun les puisse prendre, s'il n'en a don de sa Maiesté, & par les mains des Officiers de la Iustice, suyuant les expéditions qu'il aura dudit don, si ce n'est des meubles de ceux qui se trouueront dans les Villes & lieux detenuz par lesdits rebelles, quand ils seront de force repris sur eux.

Faict au Camp de Chartres, le huietième iour de Mars, mil cinq cens quatre vingts vnze.

Signé, HENRY.



The first part of the book is devoted to a general  
 description of the country and its inhabitants.  
 The second part contains a detailed account of the  
 various tribes and their customs.  
 The third part is a history of the country from  
 the earliest times to the present.  
 The fourth part is a description of the natural  
 history of the country.  
 The fifth part is a description of the  
 political and social state of the country.  
 The sixth part is a description of the  
 religious and moral state of the country.  
 The seventh part is a description of the  
 literary and scientific state of the country.  
 The eighth part is a description of the  
 military and naval state of the country.  
 The ninth part is a description of the  
 commercial and industrial state of the country.  
 The tenth part is a description of the  
 financial and economic state of the country.  
 The eleventh part is a description of the  
 legal and judicial state of the country.  
 The twelfth part is a description of the  
 administrative and governmental state of the country.  
 The thirteenth part is a description of the  
 educational and intellectual state of the country.  
 The fourteenth part is a description of the  
 artistic and literary state of the country.  
 The fifteenth part is a description of the  
 scientific and philosophical state of the country.  
 The sixteenth part is a description of the  
 religious and moral state of the country.  
 The seventeenth part is a description of the  
 political and social state of the country.  
 The eighteenth part is a description of the  
 natural history of the country.  
 The nineteenth part is a description of the  
 general state of the country.  
 The twentieth part is a description of the  
 future of the country.

310

